



埽葉山房叢鈔

增4.
595
67

六十七



門 1 4
號
卷

歷代畫史彙傳卷四十九目錄

養韻

仰廷宣明

止本朝

梗韻

景朴後蜀卿明

明章

琮本朝

耿昌言唐

昌期

純

恩

孝棫明

蕙本朝

洽元琇唐

起巖元

謙明

枚本朝



井玉樹 本朝

有韻

柳儉 魏 楷 明

培 本朝

遇

鈕樞 本朝 貞

後祺 本朝 禮

寢韻

沈標 南齊 祭

寧 唐

鑑 宋

孟監 元 月田

麟

月溪

雪坡

復

瑞

處士

元素 明

希遠

遇

士廉

觀

興

彥誠

誠

政

貞吉

恒吉

鳴遠

奎

如美

政

周

幽

仕

一鳴

昭

士充

鼎

宣

襄

春澤

崙

碩

完

繼祖

伯溪

咸

叔淳

甲秀

熿

蘆洲

度

恒

應山

俊

守正

芳

完

獎

士鯁

絲

翹楚

明遠

禮

歷代畫史彙傳卷四十九

長洲彭蘊璨朗峯編

仰

明

仰廷宣字君常號筠石維揚人作山水先以水噴淨

几鋪紙於上用筆點染以取煙潤之態豪爽有氣

不受人俯仰陳眉公嘗致書於人曰仰君常何在

天下畫工皆其裔也 畫史會要 畊硯田齋筆記

國朝

仰止字二水杭人善二米山水

圖繪寶鑑續纂

景

後蜀

景

朴蜀人廣政時匡山處士工釋畫

益州名畫錄

野人閒話

明

景

卿字夢弼自寫杏花題句甚佳又善小景花草

無聲詩史

詩集小傳

景明章秀水人工繪事

畫髓元詮

明

耿孝棫字肩樓工山水

畫各家錄

國朝

耿

邁字子行號止菴東鹿人補郡諸生畫本宋元

諸家書法華亭詩類何景明尤善鼓琴著響山堂

集 東鹿縣志

冷

唐

冷元琇畫極其妙

唐朝名畫錄

歷代名畫記

圖

繪寶鑑

元

冷起巖居京師至正間寫御容稱旨

圖繪寶鑑

明

冷

謙字啓

無聲詩史作起

敬道號龍陽子武林人洪武初

以善音律仕為太常協律郎在元末壽已百歲初
與趙孟頫同觀李將軍畫效之遂得其法山水人
物悉臻妙賦彩纖細神品幻出郊廟樂章多所撰
定永樂中有畫鶴之誣隱壁仙去 江寧府志 嘉
興府志 無聲詩史

國朝

冷 枚字吉臣膠州人焦秉貞弟子供奉
內廷工人物尤工士女康熙辛卯與畫

萬壽盛典圖總裁則王原祁也

熙朝名畫錄 畫徵錄

柳埭字公韓號愚谷金陵諸生山水道逸蒼茫最

得董巨遺意書法北海詩亦臻妙 江寧縣志 圖

繪實鑑續纂 慎墨堂詩話

柳遇字仙期吳人工人物樹石雖亞於仇英精密

生動布置得宜筆頗閒適 畫徵錄 在亭叢藁

鈕

國朝

鈕樞字漢藩吳縣人工士女畫宗仇英法 畫徵錄

吳門補乘

鈕貞字元錫震澤人奇峯怪石援筆以摹曲盡其

態幼習舉子業西戌間遊兵執其父將戮貞銜哀

求以身代得釋自是棄其業而專以丹青自娛復

工琴受業者甚衆 震澤縣志

[Faint bleed-through text from the reverse side of the page, including the characters '沈', '南齊', and '畫記']

沈

南齊

標師謝赫善畫寺壁

畫記

續畫品

圖繪寶鑑

貞觀公私畫史

歷代名

沈

粲專工屏幃頗有情趣筆亦調媚

歷代名畫記

續畫品

畫後品

圖繪寶鑑

唐

沈

寧師張璪松石山水有格律

歷代名畫記

圖

繪寶鑑

劉虞部集

宋

沈鑑咸淳中寫照有名

姑蘇志

元

沈孟監花鳥逼真錢選

圖繪寶鑑

沈月田工林木樹石

同上

沈麟字秋澗杭人山水學郭熙兼能寫貌

同上

沈月溪華亭人山水人物學馬遠往往亂真

同上

沈雪坡嘉興人好寫梅竹

嘉興府志

圖繪寶鑑

沈復字復之嘉興人舊為僧名慧善畫蘭

梧溪集

沈瑞華亭人得黃公望法木石幽澗山水清遠人

物器具點綴精工

松江府志

沈處士精傳神

書畫史

明

沈元素懷安人元時赴都寫金字經授福州教授謝

歸洪武初舉授古田學訓擢僉憲書篆琴畫皆工

閩書 古田縣志

沈希遠崑山人洪武中寫御容稱旨授中書舍人山

水師馬遠 畫史會要

沈遇字公濟號懼樵吳縣人其先有名鑑者在宋

寫照有名水墨山水師馬夏淺絳丹青種種能之

晚工雪景有巖穴之氣亦能人物永樂末嘗召見

歷宣德正統間聲稱益藉學者頗眾雅有前輩風

歸以高年卒 姑蘇志 吳縣志 無聲詩史

沈士廉仕為御史善墨梅 明書畫史

沈觀字用賓錢塘人山水學馬遠盛懋亦工雜畫

同上

沈巽字士偁號巽翁吳興人山水宗胡廷輝稍變

其法尤工雜畫 畫史會要

沈彥誠 一作彥成錢塘人山水宗高彥敬 同上

沈誠字文實號味菜居士金陵人興到筆落自成

一家 畫史會要 無聲詩史

沈政字行之雲南通海人景泰癸酉領鄉薦為太

常寺卿畫宗宣和筆意臨安府志

沈貞吉字南齋圖繪寶鑑續纂無聲長洲相城里人

畫師董源可亞劉珏與弟恒吉皆工唐律兼善繪

事又素貌人畜亦工絕每賦一詩營一幃必累月

閱歲乃出不可以貨取故尤以少得重家庭之間

自相唱和下至僕隸悉諳文墨幾若康成之婢兄

弟並年八十明史沈周傳圖繪寶鑑續纂

無聲詩史丹青志吳中往哲記續吳先賢

贊清和書畫舫

沈恒吉字同齋圖繪寶鑑續纂無聲貞吉弟善書虛

和瀟灑不在宋元諸賢下年六十有九同上

沈鳴遠錢塘人工道釋神像名品大妙與彭元中相

似流輩罕及杭州府志無聲詩史

沈奎字士榮杭人花果翎毛學王若水傅色鮮麗

同上

沈如美善畫美人

張夢龍集

沈 政字以政閩人官順天府丞直仁智殿工花竹

翎毛

圖繪寶鑑續纂

無聲詩史

沈 周字啓南號白石翁世稱石田先生恒吉子諸畫皆善少時所爲盈尺小幅四十外始拓爲大幅粗枝大葉草草而成所謂唐宋名流上下千載縱橫百輩兼總條貫如唐寅文壁咸出龍門徃徃致於風雲之表其時藝院不知誰當並馳也郡守欲

繪屋壁里有疾之者入其名遂被攝或勸之謁貴游可免答曰徃役義也謁責游不更辱乎已而守入覲銓曹問沈先生無恙乎守不知所對漫應曰無恙見內閣李東陽問沈先生有牘乎守益謬復漫應曰有而未至守出倉皇謁侍郎吳寬問沈先生者何人寬備言其狀詢左右乃畫壁生也比還再拜引咎其書法黃庭堅文學左氏詩學白居易蘇軾陸游爲人耿介獨立年十一

或作十五

游南都

作百韻詩上巡撫侍郎崔恭面試鳳臺賦援筆立
就恭大嗟異比長書無不窺郡守欲以賢良薦筮
易得遜之九五遂絕意隱遜孺慕終身風神蕭散
碧眼飄鬚儼如神仙中人文翰揮映百年來迨無
過之者宣德丁未生正德己巳卒年八十有三有
容坐新聞石田詩鈔 明史本傳 明史藝文志
圖繪寶鑑續纂 無聲詩史 丹青志 畫禪室
隨筆 六研齋筆記 藝苑卮言 震澤集 甫

田集

沈

幽字翊南周弟善畫

弁州續藁

沈

仕字懋學一字子登號青門山人仁和人雅好

詩翰多蓄法書名畫朝夕展玩久之有得援筆揮

灑花烏山水風神氣韻殊勝專門更入妙品游藝

翰墨稱江湖詩人第一流

杭州府志

畫史會要

圖繪寶鑑續纂

無聲詩史

沈一鳴字平叔號同漁子海寧人古逸名流也善畫

隅園集

沈昭字秋萼長洲人無聲詩史作浙江人善大劈斧山水尤

善青綠畫史會要無聲詩史

沈士充字子居華亭人出宋旭趙左之門山水邱壑

舊蔥皴染淹潤為雲間正傳松江府志無聲詩

史圖繪寶鑑續纂

沈鼎昭兄善山水畫史會要

沈宣字明德仁和人萬厯中為安慶府訓導山水

人爭藏之攻古文詞尤長於詩杭州府志分省

人物攷

沈襄字小霞山陰人父名練以劾嚴嵩謫戍繼又

中以危法論死襄亦瀕危及嵩敗以廕補官仕至

郡守墨梅霜枝雪榦風骨峻嶒自得天趣紹興府

志山陰縣志圖繪寶鑑續纂

沈春澤字雨若常熟諸生蘭竹得趙松雪筆意善草

書詩有唐人風格著雨若吟稿常熟縣志

沈崙字子山常熟人畫筆蒼潤喜吟咏同上

沈碩字直謙號龍江長洲人學畫三年不下樓一

於臨摹山水人物遠效趙劉近倣仇唐可稱入室

尤善白梅翎翅圖繪寶鑑續纂無聲詩史金

陵瑣事

沈完字全卿吳人人物入仇英之室吳縣志

沈繼祖字公繩後以字行更字宜孫萬厯時吳郡人

谷山宛轉林木森鬱寫閨閣中人有逸態畫史會

要

沈伯溪善墨竹白蘇齋集

沈咸萬厯時人畫多詩意又善畫蘭秀韻閒逸工

詩珊瑚網

沈叔淳更各自新號曼倩弄筆作煙樾渚柯沙嶼坡

麓奄有元人風格字學眉川雙井又善篆籀畫名

家錄

沈甲秀字凝芝石門人善花鳥草蟲長於詩文博通

篆學 嘉興府志 石門縣志

沈 燧崇正時人善圖詩意 珊瑚網

沈 蘆洲常熟人山水類沈周 虞山畫志

沈 度字民則華亭人洪武中舉文學弗就永樂中
詔部簡能書者入翰林給廩祿度與選官至侍講
學士善畫與弟榮皆有書名時號大小學士度以
婉麗勝之性敦實友於弟謙以下人嚴取與初坐
謫雲南岷王具禮聘之數進諫未幾辭去既入內

廷備顧問必以正對 明史本傳 明硯田齋筆記

沈 恒字韃婆吳人畫宗沈唐 畫髓元詮

沈 應山字萬松杭州人蔣乾弟子徵為畫院祕丞山

水宗馬夏荆關更善人物鬼怪海水異獸 同上

沈 俊字梅菴松江人工諸家山水亦擅花鳥 同上

沈 守正又名迂字無回錢塘人舉孝廉官至巡撫摹

倪黃筆饒深遠之趣文章詩學名噪一時 同上

沈 芳一名洪字子旋杭州諸生畫宗大癡間為雲

林小景工花鳥能書 同上

沈完吳人工繪事 同上

沈獎語溪人山水宗宋元運筆奇古設色秀潤每

逢醉筆偏多逸趣 同上

沈士鯁啟正間人山水人物類唐寅 畊硯田齋筆記

沈絲號練湖青綠山水法惠崇 畊硯田齋筆記

沈翹楚慈谿人官副使工水墨葡萄 寧波府志

沈明遠浙江道士能竹石 圖繪寶鑑續纂 無聲詩

史 金陵瑣事

沈禮治城道士山水亦清 同上

承昆	駿坡	陶璋	源	瑞鳳	葵	全林	甲
應霖	榮培	拭	復	聖昭	天驤	映輝	季白
桂	宗騫	仁業	稹	廣濡	崑	承煥	銓
宸	忠	秉霖	昂	館卿	賓	松年	宗維

炳	仁昌	華	廷炤	慰祖	銓	介圭	球
烜	起瀾	埏	恒	峯	容	兆陞	唐
五亭	榮	希膺	陞	鼎	澣	可培	瀛
鶴徵	尙志	清任	岸登	君玉	清佐	鏐	金臺

皇朝通志卷五十一目錄

起鯨 乾定 心耕 春林

謙韻

范宣晉 惟賢宋 懷珍南齊 長壽唐

瓊 龍樹 山人 寬宋

正夫 坦 安仁 徽猷

彬 子泯 廷玉元 摹明

川莊 暹 禮 允臨

迂 公亮 壽 湖光

叔明 續本朝 安國 如寬

榕 來宗 永滋

無聲詩史

沈宏先字開之善畫

皇新合志潘澂傳

沈穉字子柳善畫

同上

沈永令字聞人號一枝浙江人

歸愚詩傳作吳江

順治戊子

舉孝廉

歸愚詩傳作副車

為高陵知縣寫葡萄松鼠善音

律間為小詞

畫徵續錄張棟傳

今世說

沈韶字爾調嘉興人寓金山曾鯨弟子工寫真人

物士女秀媚絕俗

婁縣志

圖繪寶鑑續纂 畫

徵錄

曝書亭集

沈

見寶山諸生修縣志時與許龍同繪圖焉

寶山

縣志

沈

閔字遠渚婁人山水有石田風

同上

按圖繪寶鑑續纂沈元渚松江人善山水疑即其

人當是重出

沈

紀字聿修秀水人曾鯨弟子工寫真

畫徵錄

沈

白字清思號賁園又號天庸子婁人文恪公荃

弟山水縱橫疎快有別趣詩不事藻繪真行草書
皆妙以布衣高尙卒年七十有八 青浦縣志 畫
徵續錄 松江詩徵

沈 喻爲

內務府司庫康熙辛卯與畫避暑山莊圖似摹法董
巨者 畫徵錄

沈樹玉

圖繪寶鑑續
纂作樹玉

號蘧夫杭州人工寫生花鳥鈎

勒細軟設色鮮麗曲盡飛翔飲啄神情曾奉

詔寫鵝鴒百隻宛然如生兼工篆籀

圖繪寶鑑續纂

讀畫錄

沈

行字行嘉嘉興人工寫真

畫徵錄

沈

卷字煥曾善山水寫真蕭然高寄以詩自娛

松

陵詩徵小傳

沈鶴齡字海籌號銀槎德清人寫真非獨形肖神亦
全得臨人物禽獸令人莫別真贋性疎放不輕作
常不署款故傳世者少 新市鎮志

沈澹字伊在周孫畫學趙承旨布景設色超詣獨
絕詩沈練有法 梅村文集

沈宗敬字南季又字恪亭號獅峯文恪公荃子康熙
戊辰進士仕至太常少卿提督四譯館山水師倪
黃兼巨然筆法水墨居多名重士林性情瀟灑無
達官氣

聖駕南巡獻畫

賜以清風蘭雪題額進琴辨畫品二說

召見行在鼓琴又

賜烟嵐高曠額明音律善吹簫工書工詩有集康熙

己酉生雍正乙卯卒於官年六十有七 江南通志

圖繪寶鑑續纂 畫徵錄 學福齋集 松江

詩徵

沈岷懋 或作地瞻 字樹奇吳江人少從魯得之畫竹得名

雙松大幅亦極高古為人清介絕俗晚年棄家卒
於三高祠 畫徵續錄張棟傳 百幅菴畫寄 墨

林韻語

沈益字友三茗溪人人物山水運筆如風人皆云

小石田性滑稽所向傾倒圖繪寶鑑續纂

沈廷瑞字榜崖號頑仙宣城布衣山水筆意疎落畫

松取法石田詩筆豪放年八十餘猶能遊畫徵續

錄歸愚文鈔餘集樊榭山房集

沈鳳字補蘿號凡民江陰人山水多乾筆倣倪幾

莫辨兼善書刻劃金石其餘技也初以國學生効

力南河七攝縣篆於吏事非所喜曾在宣城訊竊

雞者畫鷄賊面以耻之鷄之神色有畏懼欲飛之

狀合邑傳觀笑以為神畫徵錄小倉山房文集

沈治字約菴秀水庠生山水有項氏風小幅尤長

畫徵錄

沈軾字眉瞻花卉師李綜婁縣志

沈永年字青原號息非華亭人山水得元人意精醫

學侍

內廷官太醫院使倚重之旋歸年六十七無疾而卒

畫徵續錄

沈禧昌字上錫平湖諸生蘭竹有致工書

平湖縣志

沈字春瑤一字桐破仁和諸生書畫法文氏 遵

聞錄

沈季白字再枚工山水人物花鳥署他人名者多

夏

縣志

沈銓字南蘋湖州人工花鳥設色妍麗日本園遣

使迎留海外三年歸得金帛散給友朋橐仍蕭然

畫友錄

沈宗維字朗山吳江人畫多劍拔弩張之勢人物山

水俱善是宗北派者

同上

沈全林字榕盤號西池花鳥草蟲俱工不徒以蝴蝶

見長

畫囊

畫識

沈映輝字朗乾號庚齋又號雅堂婁人荃族從孫以

明經官司庫以子步垣官侍御贈如其官山水清

矯拔俗傳宗敬一脈別有會心得宋元風度兼好

古工詩文詩與文兼善人基於發

南巡獻詩畫

上親擢第一給事禁中有庚齋俟刪存稿畫徵續錄

畫識 漱芳齋詩話

沈承煥字文陶號炳若映輝弟花鳥古正秀潤工詩

畫徵續錄

沈松年字季申紀子慣寫真工山水篆刻圖章皆自

鐫古紐平湖縣志 畫徵錄紀傳

沈葵字殿秋號瘦 宗敬曾孫山水挺秀頗得家

傳性疎冷不耐治生通六書精篆刻畫徵錄

沈天驥銓從子得其畫法傳世者少新市鎮續志

沈崑嘉興人善人物山水有石田風味圖繪寶鑑

續纂

沈賓字永嘉號雪齋仁和人蘭竹參倪趙之秘善

山水工書同上

沈瑞鳳字鳴岐號渭川仁和人善蘭竹工山水 同上

沈聖昭字宏宣仁和人山水磊落不羣 同上

沈廣濡字仁周湖州諸生畫學董巨 同上

沈館卿偶作松樹 畫識

沈源供奉

內廷與唐岱合作應真圖得邀

睿題

熙朝名畫錄

沈復字二白元和人工花卉殿撰趙文楷奉

詔封中山王復曾隨往琉球其名益著 耕硯田齋筆

記

沈璠字石民常熟人工書畫善篆刻 虞山畫志

沈昂字千里號蒙村善畫馬筆亦秀勁 支溪小志

沈陶璋字君牧號拭之常熟人山水學王翬 虞山畫

志

沈拭字欽伯號古雲常熟人乾隆辛未傳臚仕至

河南鹽運使善山水花卉工八分書居官以廉潔
稱墨香居畫識

沈仁業又名壽號眉亭青浦人善畫能詩隱於醫同上

沈秉霖字懷周宗敬族孫人物得古法家貧遊金閶
藉筆墨以糊口同上

沈駿坡字在山福泉諸生後仍歸青浦工畫菜同上

沈榮培字壽田山水竹石有包山子風味人物亦佳

同上

沈宗騫字熙遠號芥舟居烏程研山灣又號研灣老
圃早歲遊庠山水人物傳神無不精妙小楷草草
及盈丈大字皆具古法著芥舟學畫編淳化閣石
刻同上

沈忠字德芳號丹崖吳江人工山水人物花卉兼
精鑒賞非徒事皮毛者亦通醫同上

沈承昆字硯亭烏程人丹青篆刻皆能深入前人堂

奧 同上

沈應霖字仁甫號萱皋烏程人為湖南寶慶府通判

山水得鷗波筆意性偏儻喜吟咏 同上

沈桂號石樵常熟人山水以王翬法入手筆復雄

壯 同上

沈宸字東搏號商園烏程人山水參倪黃書法迥

勁 同上

沈球字漢璫號玉田又號花隱山人其先為明副

使啓世居吳江遷吳之百花里遂占籍補諸生善

山水精楷法 同上

沈唐字樹堂號蓮舟錢塘人國子生得指授於奚

岡山水喜皴染筆致蒼渾尤近婁東 同上

沈瀛字朗庭吳江人僑寓揚州工寫蘭竹 同上

沈金臺字紫環號芝暉婁縣人花卉法暉氏 同上

沈介圭字震藩金臺弟山水法婁東 同上

沈兆陞字魚三金臺弟人物法十洲 同上

沈可培字春源號向齋嘉興人以進士爲山東黃縣知縣工山水居官有政聲同上

沈錢字震初吳人工山水花卉白描人物尤爲精妙同上

沈銓字師橋號青來天津人山水師石田花卉宗甌香慕黃山之勝至欵見古松奇葩異卉咸爲繪圖無不逼真同上

沈容字工川號春夢錢塘諸生山水花卉稱逸品

工詩詞同上

沈澣嘉興人工山水同上

沈清佐字古岑號篋村歸安廩生山水深得華亭法

花卉生動力學好古詩字俱佳同上

沈慰祖字學周工花鳥畫名家錄

沈峯字衡山號臥雲常熟人人物老健墨香居畫

識

沈鼎字燮堂號香郊常熟諸生花卉灑落能詩虞

山畫志

沈君玉吳人善雕刻以楸欖核雕跔子一枚棕帽髯

鬚直身肩有補掇手持一扇扇有詩四句又有楊

梅核刻獼猴眉目畢具其技特精或云能畫堅瓠

集 耕硯田齋筆記

沈廷昭字芷橋吳縣諸生作設色蘭蕙揮灑自如雅

有韻致又精小楷書工詩文明音律 耕硯田齋筆

記

沈 垣字朗軒美人幽逸

耕硯田齋筆記

沈 陞字左臣號小休杭州人墨竹意在筆先偃息

疎濃動合矩度或與蘭合參可愛又能文 圖繪寶

鑑續纂 兩浙名畫記

沈岸登字覃九號南渟又號情耕平湖人山水蘭竹

瀟灑淡遠無俗韻詩詞書皆雋妙性恬正不求聞

達屢空晏如生平著述半在游屐著墨蝶齋詩詞

古今體詞韻鈔春秋紀異 嘉興府志 平湖縣志

兩浙名畫記

沈華一名華筓字祇臣山陰人太史朱彝尊嘗贈

詩云沈生好畫兼好詩昨朝和我春游詞又云九

長花鳥工沒骨染草柴沙細如髮蝴蝶麻姑五色

裙蟠桃漢帝千年核其善畫工詩可想見矣曝書

亭集 畊硯田齋筆記

沈挺寫仙山樓閣髣髴趙千里 畊硯田齋筆記

沈希膺字春巖山水宗黃鶴山樵同上

沈清任字萊友號澹園仁和人乾隆壬申進士官川

東道引疾歸里以書畫為生涯 兩浙名畫記

沈仁昌字醴原嘉興人山水翎毛花鳥皆臻妙品天

性純摯築環碧草堂奉親游憩同上

沈起瀾字慶安號子君錢塘人善畫工詩同上

沈榮字石薌元和人工花卉山水得婁東筆意亦

工寫照 畊硯田齋筆記

沈尙忠字劒南號心齋善山水工詩文書兼篆隸同

上

沈炳字勉齋嘉興人江蘇候補從九善山水兼工

花卉 畊硯田齋筆記

沈烜字丹穀漢州人善山水兼工詞翰 劍光樓筆記

記

沈鶴徵 常熟人工丹青善琵琶 集

沈五亭 湖州人善畫 畫林新詠

沈起鯨字庾生海鹽人官吳縣主簿善山水得北苑

房山神髓亦兼三米之妙 畊硯田齋筆記

沈錦字景濤 傳神妙手亦精補景 彭氏家

珍錄

沈乾定字健石一字紫仲號退菴長洲人中和院道

士從榮健學畫善山水圖繪佛像 張書勳退菴事

畧

沈心耕字恂如號古田婁縣人岳廟東房石渠小閣

道士蘭竹雜卉俱佳嘗偕雅流道侶鼓琴讀書於

畫史彙傳

其處 墨香居畫識

沈春林字蘭皐江寧人飛雲閣道士墨菊有韻致 莫

愁湖志 墨香居畫識

范

晉

范 宣字宣子陳留人善畫荀衛之後推第一少尚

隱遁屢徵不就博綜羣書不涉老莊閒居屢空清

操不移嘗以誦讀為業江州學士並好經學皆聞

風宗仰焉著禮易論難行世年五十有四 晉書本

傳 世說新語

宋

范惟賢善畫

歷代名畫記

圖繪寶鑑

南齊

范懷珍

貞觀公私作懷賢或作懷粲或作懷堅

有渥洼馬圖孝子屏風

行於代

貞觀公私畫史

歷代名畫記

圖繪寶鑑

鑑

唐

范長壽為武騎尉又為司徒校尉學張僧繇釋道能畫風俗田家景候人物今屏風是其制也凡畫山

水樹石牛馬妙盡其微

唐書藝文志

唐朝名畫

錄

宣和畫譜

京洛寺塔記

歷代名畫記

圖繪寶鑑

范瓊寓成都與陳皓彭堅同時善人物佛像嘗作

烏莫瑟摩像設色未半而罷筆蹟超絕雖名手莫

能補完

宣和畫譜

畫品

益州名畫錄

圖畫

見聞志

畫史

圖繪寶鑑

范龍樹唐初以畫擅名

歷代名畫記

圖繪寶鑑

范山人善山水

圖繪寶鑑補遺

顧逋翁集

宋

范寬名中正字仲立華原人

宣和畫譜作關中人

性緩世人

謂之范寬不以名著以俚語行也山水師李成荆

浩如行山陰道上與關李並馳方駕嘗自語曰與

其師於人者未若師之物與其師於物者未若師

之心乃卜居終南太華以其景著毫端為人風儀

峭古舉止疎野嗜酒落晷不拘於世

宣和畫譜

宋朝名畫評

畫史

圖繪寶鑑

范正夫字子立潁昌人文正公仲淹諸孫長於水墨

雜畫如鵲鴿竹石標格高秀後知鳳翔令還鄉死

於兵

畫繼

圖繪寶鑑

范坦字伯履洛陽人始以蔭入官以徽猷閣侍制

致仕山水師關李描寫花鳥下筆老健長於吏事

所至皆明晰

宣和畫譜

圖繪寶鑑

范安仁錢塘人寶祐畫院待詔俗呼為癩子善畫魚

畫史彙傳
杭州府志 圖繪寶鑑

范徽猷字箕叟善墨竹 松隱集

范彬錢塘人人物山水師李權 杭州府志 圖繪

寶鑑

范子泯 或作子氓道士中興異人畫牛及來禽人稱其妙

攻媿集 赤城志

元

范廷玉保定人墨竹師樂善老人 圖繪寶鑑 畫史

會要

明

范摹字行式山水人物筆力瀟灑涉獵經史善詩

歌多藝能凡金石款識篆刻書畫之類皆能著其

時代辨其真贋 嘉興府志

范川莊崇安人善丹青變態時出曲盡物狀有欲薦

為金門畫史范自謀豈易應耶徑遊金陵訪金門

畫史程姓願為傭洗研墨執事左右程許之一日

味爽往汲奔歸驚誇口不能言若佯狂然程急詢
之范請紙一幅圖所見羣怪狀精妙入神程即下
拜曰子吾師也范遁去抵家歲暮無以供臘其鄰
嘲之范曰吾有一鷺勞子市之鄰曰除夕矣孰用
之范曰汝候富家有鷺歸者汝黏之壁必取之如
其言見童子馳鷺者隨之黏之壁鷺見畫鷺即雄
聲展羽作鬪狀即迫畫遂戢翼垂頭而走上人重
價求之相傳為神筆 閩畫記

范

暹字啓東

無聲詩史圖繪寶鑑續纂作也東

館閣名公多重之

人稱葦齊先生崑山

或作鎮洋

人永樂中取入畫院花

竹翎毛人多尚之王書法設帳授徒多所造就

畫

史會要

圖繪寶鑑續纂

無聲詩史

水東日

記

范

禮字宗嗣常熟人山水師馬遠能真草篆隸

當

熟縣志

書史會要

范允臨字長倩吳縣人萬厯乙未進士仕至福建參

議隨意圖抹有致絕無畫家蹊徑工書遠近購者寸練尺幅藏為拱璧與董其昌齊名才識通敏恥為章句之學盛年入仕奮欲以功名自効鳳克陷武定允臨為提學守城禦之百端城藉以完及賊遁有以克首獻允臨曰偽也尋生獲克於安南界中獻俘京師教化三年人相讐殺屢諭不聽允臨敗之斬俘師以下數百計方上功會巡撫陳用賓被逮代者忌之不復錄及遷福建歸築室天平山

之陽與故人及四方知交之來吳者遨遊山水間自文正公置贍族義田三十頃至是僅存三之一允臨以十頃佐其入人以善繼稱之嘉靖戊午生崇正辛巳卒年八十有四

明史本傳 蘇州府志

汪蛭撰墓碑

范迂字曼翁嘉興諸生素不習畫年逾不惑始托好焉畫輒題詩其上

張嘉儒題畫詩序

范公亮為畫中軼材有子久之筆

畫名家錄

范 霽字夢符四明人善畫 畫史會要

范明光崇正時善圖詩意 珊瑚網

范叔明 圖繪寶鑑續纂無聲詩史俱作叔成 字允叔號元白錢塘人專

事左筆山水宗北苑大癡更工花鳥蘭竹 無聲詩

史 圖繪寶鑑續纂

國朝

范 纘字武功居笏溪卽爲號婁縣人國子生善山水博學強記於書無不窺人有乞畫者例酬一棉

衣每歲積數十襲以待冬月施貧者工書法詩文

詞亦工品行粹美學問奧博著四香樓集及詞鈔

江南通志 畫識 墨林韻語 唐堂集 松江

詩徵

范安國字冷堂秀水庠生擅長寫生與鐵筆至歌詩

臨池之外凡操琴彈棋風鑿堪輿方論六微咸悉

意參會 墨香居畫識

范如寬字小迂婁縣人未及弱冠早通六法骨格氣

韻超雋不羣 同上

范榕字野君丹陽人花卉翎毛墨光絢爛生氣滿
紙山水亦蒼秀 同上

范來宗字翰尊號芝岩一號支山吳縣人文正公二
十四世孫乾隆乙未進士官翰林院編修花卉得
指授於榕風格自超別具秀骨善行楷工詩自終
養歸里三十餘年杜門却掃詩文自怡不干外事
整治文正義莊士林重之嘉慶甲戌重游泮宮乾

隆丁巳生嘉慶丁丑卒年八十有一有洽園詩稿

蘇州府志 墨香居畫識

范永滋字補雲一字虛舟鄞人山水秀韻有致 墨香
居畫識

子房

莊

良臣

永年

純

京

敏元

元凱

嘉禾

汝志

廣明

克

杞

臣

登春

旭

懋

懋晉

珏

宗遠

熙

準本朝

瑜

駿業

亮

天磨

汝

鬯同

祖謙

傳松

有元

依仁

兆鶴

元震

綸那

思仁

鎔

彬

簡

霖

葆淳

雲書

德盛

光寶

圻安

寘韻

季友直宋

賓明

如大

寓庸

開生本朝

駿

堯莖

應召

帥念祖本朝

未韻

魏晉孫唐

燮宋

觀察

道士

顛元

天驥明

以敬

時敏

煙

之璜

之克

居敬

向本朝

成

石牀

湘

霞生

瓠

費宗道宋

道寧

松年元

澂明

而奇本朝

夢仙

尉遲跋質那隋

乙僧唐

仲 升原名光祖字肇修號筠亭嘉定人僑居茂苑

工寫真士女人物花鳥得吳偉戴進筆意沉靜好

潔有倪高士風 同上

仲昭勸書常升子寫真得家傳兼工花卉 墨香居

畫識升傳

棟鄂

國朝

鐵 保姓棟鄂氏字冶亭號梅菴滿洲正黃旗人乾

隆壬辰進士由吏部郎中改翰林院侍講學士官

兩江總督工畫梅花書法晉人任兩江時創增各

處書院添給膏火培養士林至今賴之有梅菴詩

鈔 畊硯田齋筆記

曲江集

宋抱一開元時人善寫貌

圖繪寶鑑

前蜀

宋藝蜀郡人為翰林待詔工寫貌

蜀各書記益

州名畫錄

圖繪寶鑑

五代附錄

宋卓工道釋志學吳筆不事賦彩

圖畫見聞志

圖繪寶鑑

宋

宋山解長安人父溫舒登進士有時名解工畫山水

林石凝神遐想與物冥通善作烟嵐曉景奔灘怪

宋石等圖傳世兄弟皆登進為顯宦解獨姿度高潔

不樂從仕圖書之外無所嬰心與種放魏野游多

篇什酬唱

宋史提傳

圖畫見聞志

圖繪寶鑑

宋李道字公達洛陽人以進士擢第為郎山水間波

簡遠取重於時

宣和畫譜

圖繪寶鑑

宋 廸字復古道弟以進士擢第為司封郎山水師

李成運筆高妙筆墨清潤畫松頗有奇致草木禽

鳥妙絕一時聲譽過兄 宣和畫譜 宋朝事實類

苑 畫史 圖繪寶鑑 畫史會要 東坡集

宋永錫蜀人工花竹禽鳥魚蟹學梁廣善傅色 宣和

畫譜 圖繪寶鑑

宋伯仁字器之號雪岩廣平人嘉熙時善畫梅作梅

宋花喜神譜上下卷後係以詩識於景定辛酉自稱

每至花放時徘徊竹籬茅屋間滿腹清霜字有寒

月諦玩梅之低昂俯仰分合卷舒自甲坼以至就

實圖形百種各肖其形工詩著雪岩吟草 讀書敏

求記 耕硯田齋筆記

宋 處邢州人山水摸郭熙 畫繼 圖繪寶鑑

宋子房字漢傑鄭州滎陽人官至正郎廸猶子山水

絕似之著六法六論極精到 同上

宋 莊字臨仲子房孫山水氣韻得家法 同上

宋良臣工花鳥 同上

宋永年臨江人後居金陵善寫梅 圖繪寶鑑

宋 純花果染色如趙昌 圖繪寶鑑補遺

宋 京工山水 同上

元

宋 敏字好古魏郡人天歷中為藝文監照磨工寫竹石初有人以其墨竹進明宗明宗語左右曰此真士大夫筆京師人名其竹為勅賜士大夫竹 圖

繪寶鑑 應菴隨錄

宋元凱曾繪溪山晚釣圖 素軒集

宋嘉禾上黨人伶優也潛心書畫善人物亦能墨竹

宋小景絕佳 圖繪寶鑑 畫史會要

宋汝志號碧雲錢塘人宋景定間畫院待詔入元為

開元觀道士人物山水花竹翎毛師樓觀 同上

明

宋 廣字昌裔唐縣人善畫亦善草書與克稱二宋

湖廣通志

書身身傳

按無聲詩史宋克傳有宋廣字昌裔或又謂仕為
沔陽同知俱善草書與克頡頏人稱為二宋疑即
其人當攷

宋小克字仲溫家南宮里自號南宮生長洲人善寫
宋竹雖寸崗用塹而干篁萬玉雨壘烟生蕭然無塵
宋谷以博涉書史草隸通鍾王少任俠素以氣節自
厲究韜畧性抗直與人議論期必勝援古切今人

莫能難也張士誠欲羅致之不就與高啓等稱十

友詩稱十才子杜門染翰日費十紙以善書名洪

武初任鳳翔同知卒

無聲詩史

高啓南宮生傳

丹青志

六研齋二筆

宋 杞字授之錢塘人舉進士明初以考禮授官知

全州善畫通易尤邃於史學

丹崖集

宋 臣字子忠號二水秣陵人山水人物遠宗馬李

近效戴吳臨摹宋元名筆皆能亂真

江寧府志

畫史會要 無聲詩史 圖繪寶鑑續纂

宋登春字應元號海翁晚居江陵之鷺池故又號鷺

池生新河人里中呼為狂生畫師吳偉間出其餘

智為小詩素行多奇 無聲詩史 海隅集

宋 旭字石門嘉興人 圖繪寶鑑續纂 萬厯間名重海

內山水巨幅大幃頗有氣勢行筆神妙兼長人物

往往以八分書識欸其論畫云山水惟李成關仝

范寬智妙入神才高出類繼起者稱尙之猶諸子

之於正經也 嘉興府志 無聲詩史

宋 思奉化人王諤弟子擅山水人物 寧波府志

宋懋晉字明之松江人幼見童子騎牛以壁上圖之

輒神既長受業於旭參以宋元遺法與趙左抗衡

氣韻間與劉鈺相埒山水富有邱壑仙山樓閣經

營得當寫松尤秀 松江府志 無聲詩史

宋 珏 亦作 穀字比玉自號荔枝仙莆田人流寓金陵

國子生山水脫盡畫史習氣出入二米仲圭子久

不名一家寫松尤秀兼善臨池工八分書小詩工

絕爲人不立崖岸胸中涇渭井如也

莆田縣志

閩小記 無聲詩史 畫徵續錄 漁洋詩話

宋宗遠縉雲人山水道勁得烟巒奇態爲畫者所宗

處州府志

宋熙字載光工人物喜作宋體書

畫名家錄

國朝

宋犖字牧中號漫堂商邱人相國文康公權子以

廕入官巡撫江西江蘇吏部尙書嗜古精鑒收藏

以富稱見名畫家悉延至於家耳濡目染遂得畫

法水墨蘭竹疎逸絕倫博學工詩詞古文曾任封

疆其最著者如救荒賑貸及免墾地之糧以蘇民

困賓禮文彥獎激後進尤多造就撫吳十四載無

赫赫之譽去後人皆思之

上嘉其居官安靜

特賜福壽二大字稱榮崇正甲戌生康熙癸巳卒年

八十著西陂類藁綿津詩鈔楓香詞 江南通志
畫徵續錄 別裁詩傳

宋 瑜字不揜揚州人善山水 畫徵錄顧樵傳

宋 駿業字聲求吳人初登副車官兵部侍郎山水受

業王翬作宋元人小品清韻可挹 長洲縣志 畫
徵錄

宋 堯字秋士工花卉士女 畫名家錄

宋 天磨吳江人山水稱能品 畫徵錄

宋 汶字子弗一字閑叔崑山人善畫竹尤工書翰

小楷篆隸狂草各臻其妙好讀書能詩 崑新合志

宋 鬯同溧陽歲貢生寫意花草筆致天成兼善法書
畫徵續錄

宋 祖謙字爾鳴號去損莆田人順治間諸生精畫理

宋 陳洪綬胡玉崑皆稱其妙與周櫟園交好後坐事

辭連祖謙並逮入都作寒鴉賦以自哀詞意悲婉

人以駱賓王咏蟬之作比之八分亞於珽 蘭陔詩

話

宋傅松字端木墨蘭清雋耕硯田齋筆記

宋有元字孚交號寄軒元和人官太平府通判善畫

牡丹韻語宗三唐朱肇基為之作序嘗引王摩詰

詩中有畫畫中有詩之語稱之與人交肝膽照人

久而弗衰康熙癸丑生乾隆丁亥卒年五十有三

著鶴巢吟草同上

宋依仁字墨癡善山水同上

宋兆鶴字開士號雲岑長洲人康熙戊戌庶吉士以

子周臣官贈中憲大夫寄情蘭竹有孝行杜門課

子嘗采禮經注疏彙為一編以證其失乾隆丁巳

詔修三禮以勞瘁成疾卒蘇州府志 耕硯田齋筆

記

宋元震字敷東號信天兆鶴子善寫花卉人物同上

宋綸邦字殿傳號鈞川元和入國學生蘭竹閒逸乾

隆丁巳生丙申卒年四十同上

宋思仁字藹若號汝和長洲人爲山東糧道蘭竹雅韻好鑒古精篆刻多蓄古印章著印譜工詩有臺餘存稿廣輿吟性孝友居處儉約室無姬媵惟善奕嗜吟以自娛居官廉惠勇於興革聽訟如家人反覆推求必得其境有古蹟必訪求而表章之在粵西撰太平便覽在山東撰泰山記皆誌古今文獻兼通星卜堪輿能決人窮通休咎有驗引疾歸十餘年其疾也倣謝石測字之術以自卜座客或

舉蘭字曰吾病殆不起蘭字有十二月之象中從東十八日也已而果然卒年七十有八

蘇州府志

畊硯田齋筆記

宋 鎔字亦陶又字奕巖號悅研綸邦從子乾隆壬辰進士官刑部侍郎左遷鴻臚卿寫梅疋澗工詩事母王氏至孝恭逢

仁宗睿皇帝五旬萬壽以鎔母王氏五世同堂告御書壽世徵祥匾額賜之癸酉母王氏九十壽奉

旨給假稱祝

御書恩隆善訓匾額賜之居官五十年廉隅自矢凡族人之停喪未葬者并婚嫁及期而無力者悉出其餘俸助之其子弟之才堪造就為之入貲大小二十餘人性慈惠喜禪悅遇事不立城府以長者之行見重於時乾隆己巳生道光乙酉卒年七十有七 畊硯田齋筆記

宋 彬山水法大癡 同上

宋 簡字粹心又字長文號西樵綸邦姪乾隆庚戌進士歷雲貴山東知縣寫梅學金俊明兼作墨蘭工白描人物士女精篆隸工詩文恂恂儒雅博綜羣籍公餘之暇未嘗一日輟卷也居官廉潔有守其署水城通判時有士目犯事以多金闕說簡定讞以充書院膏火嗣是絕不敢以賄路嘗試乾隆丁丑生道光辛巳卒年六十有五有說文齋聲蘇州府志 耕硯田齋筆記

宋霖字雪香長洲貢生有山水之好所至勝處歸輒爲圖幼有孝行同上

宋葆淳字帥初號芝山山西安邑人乾隆丙午順天孝廉司鐸隰州山水蒼秀嫺潤幾自成家墨香居畫識

宋雲書初名朝宗字文潮號容之思仁姪胡量高弟山水足秀工詩同上

宋德感善畫梅退齋心賞錄

宋光寶字滿塘長洲人客廣州精寫花鳥草蟲得之者珍逾琪璧劍光樓筆記

宋圻安字臣稅號吉山又號雙甫自稱春山樵浙江建德拔貢生工畫善行楷書詩文敏捷家中老幼俱知繪事兩浙名畫記

纂 無聲詩史

國朝

季開生字天中泰興人順治乙丑進士官至給事中
自幼喜摹仿宋元名蹟得子久三昧詩筆俊爽有
奇氣與弟振宜有雙鳳之目居官以直言著稱順
治甲午地震上疏十端章下所司乙未內監至江
南採辦途中多有訛言開生上疏諫下刑部流尙
場堡尋卒於戍所庚子

命察諸罪謫言官

詔以原官還其櫬蔭一子入監讀書著出閣草 圖繪

寶鑑續纂 畫徵錄 墨林韻語 別歲詩傳

季 駿字克紹婁縣人工山水 耕硯田齋筆記

季堯莖以字行號雪江如皋人善繪花卉翎毛尤長

畫貓 墨香居畫識

季應召字葵藏 畫猫得神 耕硯田齋筆記

元

魏

顯 或作 雍

字伯昂天台人工山水

書畫史

明

魏天驥字應祥墨竹師夏景

興化縣志

魏以敬

畫史會要 作魏敬

善花鳥禽竹

明書畫史

畫史會要

要

魏時敏莆田人少游鄉校以辟歷無錫桃源縣丞好

畫山水作詩歌致政里居年八十餘尚多名流

唱

福建通志

詩集小傳

黃氏增訂筆精

魏煙字誠甫古田人以選貢倅壽州終唐府審理

長不滿五尺而氣雄萬夫性嗜酒能詩善畫坎壈

不遇卒詩文散失張極為之作傳輯其遺藁

古田

縣志

魏之璜字考叔上元人每月必畫大士像施諸寺院

山水宗宋人花卉宗王若水聞齊魯閒極重之詩

清迥絕俗不以詩名以畫掩也書法黃庭結構微

密神采流麗性孝友養老親撫諸弟胥皆仰給研
田未嘗析鬻畫史會要無聲詩史圖繪寶鑑
續纂

魏之克字和叔之璜弟山水較之兄駿駿欲度驂騑

工詩畫史會要圖繪寶鑑續纂無聲詩史

詩集小傳

魏居敬善山水畊硯匠齋筆記

國朝

魏 向字向日高淳人善山水高淳縣志

魏 成字西疇號耕雲子無錫人山水出黃鼎之門
取其神不襲其貌蒼秀融渾自成一家墨香居畫
識

魏石牀爲羅牧師善山水西江志

魏 湘字秀芳自號江蘭老人諸暨人花鳥草蟲髮

髯老蓮畊硯田齋筆記

魏霞生鄞人工傳神寧波府志

魏 瓠字浮尊蘇州人主圓妙觀方丈善山水工詩
歸愚詩鈔

費

宋

費宗道蔡州人畫佛道鬼神至京師畫太一宮中主
火神頃刻而就衆工疾之告監使曰太速殊不加
意中使遂令墮毀一夕憤怒而卒 畫繼 圖繪寶鑑

費道寧懷安人大觀初以丹青召入畫院尤善花卉
多作交枝 福州府志 畫繼 圖繪寶鑑

元

費松年曾繪雁門秋意圖 梧溪集

明

費 澂工山水 退齋心賞錄

國朝

費而音字葛坡杭人花鳥法徐熙山水亦佳 圖繪寶

鑑續纂 敬業堂集

費夢仙

吳人畫鶴得超龍覆表意 萍踪開記

尉遲

隋

尉遲跋質那西國人善畫外國故實及佛像鳥獸當

時擅名 歷代名畫記 圖繪寶鑑乙僧傳

唐

尉遲乙僧于闐國人 唐朝名畫錄作土火羅後畫錄宣和畫譜圖繪寶鑑作吐火羅

跋質那子貞觀初其國以善畫薦中都授宿衛官

封郡公有大小尉遲之稱善父藝尤工四時花鳥

善繪凹凸花用筆之妙與閣立本相上下 唐朝名

畫錄 歷代名畫記 後畫錄 宣和畫譜 書

鑒 圖繪寶鑑 楊升菴集

韻藻 風外各畫室 圖繪寶鑑 卷之四

韻藻 歷代名畫記 卷之四 宣和畫譜 卷之四

韻藻 歷代名畫記 卷之四

韻藻 歷代名畫記 卷之四

